

Maman!



Projet promovût di 'Il Friuli' e 'ARLeF'

FROS
PIÇULE CJANE
COLORADE
PAR BEVI
BIBITIS

LIS AVENTURIS DI VIGJI E LUMI



LUMI: Mandi Vigji! Dulà vâstu cun chei tramais sul cjâf?



VIGJI: Intindistu lis orelis?

LUMI: Ma sù mo, matucel! O intindevi chê sorte di fros e chei

ocjâi stramps: a ce ti coventino?

VIGJI: Prime robe: nol è un fros ma un bocâl.

Seconde robe: chescj no son ocjâi ma e je une mascare.

LUMI: Vigji, viôt che Carnevâl al è passât za di un toc!

VIGJI: Alore la tô paroncine no ti à mai menade al mâr?!? Miôr se tu vegnis a fâ un zîr cun me.

LUMI: E parcè varessio di vignî?!?

VIGJI: Blancje come che tu sês, un fregul di soreli ti zovarès!

LUMI: Bon bon, cumò alore o prepari

dut: cuvierte, savon, flocut di gale...
VIGJI: Lumi! Tu âs di puartâti vie la creme e il cjapiel par no scotâti sot dal soreli, une bale par zuiâ insieme e tante ligrie!

LUMI: Va ben, o puarti vie ancje cualchi copie di "Il Friuli" par fâ i zûcs te ultime

pagine!
VIGJI: Biele idee! Visinsi ancje dal nestri diari che o vin di segnâsi dut ce che o fasìn. O tachi daurman a scrivi alc!



Dissen di Serena Debegnach

CJÂR DIARI,
cumò o partin par lâ in vacance. Ti mandarìn tantis cartulinis,

dissens, fotografiis!
Maman!



IL CJANTON DE CJANÇON

TI SALUDI: MANDI MANDI!

(Peraulis di Daria Miani; musiche di Flaviano Miani)



Cumò la scuele e je finide e in vacance o soi za partide. E cul cûr strenzût te man cun ligrie ti dîs: Maman!

Ancje Maman! vuê al finirà ma in Otubar al tornarà
Cun Chiara, cun Daria, cun Ulli e cun Free
insieme a Vigji e insieme a ti

Rit. Sedi al mâr o sedi in mont fâs il brâf mi raccomandandi!
In Friûl o ator pal mont ti saludi: mandi mandi!



Piçule cerce de cjançon "Ti saludi: Mandi! Mandi!". O podès scoltâle dute te pontade di Maman! di cheste setemane su Telefriuli.

LU SAVEVISO CHE...?



■ Il fros no je dome chê cjane che e covente par bevi bibitis, ma ancje un fil di paie o di jerbe.

ZÛCS

Piture il dissen cui colôrs che ti plasin. La pagine di Maman! ti spiète ancje dilunc dal Istât!



Maman!
vuê al finirà
ma in Otubar
su Telefriuli
al tornarà!




telefriuli

vinars aes 5.45 sot sere

Tant par ridi

Savêso parcè che di Istât no si va a scuele?
Parcè che al è za il soreli che al scjalde i bancs.



Pagjine curade di Daria Miani e dal Sportel Regjonâl pe Lenghe Furlane de ARLeF

ARLeF
AGENZIE
REGJONÂL
PE LENGHE
FURLANE